



Jens Napātôk´
Inatsisartunut Ilaasortaq, Partii Naleraq

§ 37 naapertorlugu apeqqutip nr. 146-p akineqarnera oqaatsinut tunngasoq

Asasara Jens Napātôk´,

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfigissavakka.

01-04-2019
Suliap nr. 2019 - 7264
Allakkat nr. 10378165

Postboks 1029
3900 Nuuk
Oqarasuaat: : +299 34 50 00
Email: ikin@nаноq.gl
www.nanoq.gl

Apeqqut 1: Naalakkersuisut "Nunani avannarlerni innuttaasut nunami avannarlermi allami namminneq oqaatsiminnik atuisinnaaner at pillugu nunat avannarliit akornanni isumaqatigiissut 17. juni 1981-imeersoq akuersissutigalugu atsiorsimavaat?

Aap atorneqarpat, 17. juni 1981-imeersup Kalaallit Nunaanniillu Naalakkersuisumiik atsiorneqarsimasup akuersissutigineqarsimasup imarisaa pissarsiarerusunneqarpoq.

Akissut: Nunani Avannarlerni innuttaasut nunami avannarlermi allami namminneq oqaatsitik atorsinnaanerannut pisinnaatitaaffit pillugit Isumaqatigiissut 17. juni 1981-imeersoq (Nunat Avannarliit Oqaatsit pillugit Isumaqatigiissutaat) danskit naalakkersuisuinit ullormi 17. december 1986 atortussanngortinneqarpoq.

Atortussanngortitsineranut atatillugu isumaqatigiissutip Kalaallit Nunaanni atorneqarsinnaanera eqqarsaatigineqarsimanngimmat isumaqatigiissut nunatsinnut aamma atuuppoq.

Ullormi 18. juni 2003 isumaqatigiissutip allanngortinnissaa pillugu isumaqatigiissummut Danmark atsiorpoq, tassanilu Nunani Avannarlerni Oqaatsit pillugit Isumaqatigiissummut savalimmiormiut, samit kalaallillu oqaasii ilanngunneqarput.

Isumaqatigiissutip allanngortinnissaanut Kalaallit Nunaata isumaqataasimaneranut apeqqummut tunngatillugu taamani Naalakkersuisuusut UPA 2006/23 aqqutigalugu taamani Inatsisartuusunut una saqqummiuppaat: "Nunani avannarlerni naalagaaffinni innuttaasut nunami avannarlermi allamiitillutik nammineq oqaatsiminnik atuisinnaatitaaner at pillugu Danmarkip, Finlandip, Islandip, Norgep aamma Sverigep akornanni isumaqatigiissutip allanngortinneqarnera pillugu isumaqatigiissummut Namminersornerullutik Oqartussat akuersinissaat pillugu inatsisartut aalajangiiffigisassaattut siunnersuut, takuuk suleriaasissani § 32, imm. 6, nr. 4."

Inatsisartullu inassutigisimavaat Namminersornerullutik Oqartussat isumaqatigiissutip allanngortinnissaa pillugu isumaqatigiissummut akuersissasut. Inatsisartullu tassunga isumaqataasimapput.

Isumaqatigiissutilli allanngortinnera atortussanngortinneqarsimangilaq, tamatumunngalu nunat avannarliit tamanna pillugu isumaqatigiissinnaasimanginnerat pissutaavoq. Taamaammallu isumaqatigiissut 1981-imeersoq suli atuuppoq.

Apequt 2: Qanoq paasineqassava Oqaatsinut politikki pillugu Inatsisartut inatsisaat nr. 7, 19. maj 2010-imeersoq malillugu § 3, immikkoortoq 4. "Tuluit oqaasii allamiullu oqaasii allat pisariaqartitsineq malillugu atorneqarsinnaapput"?

Akissut: Tuluttut allatullu oqaatsit pisariaqartitsineq naapertorlugu atorneqarsinnaasut oqaaseqatigiinni oqaatiginiarneqarpoq. Assersuutigalugu nunat tamat saaffiginninnerannut atatillugu tuluit oqaasii allatullu takornartat oqaasii oqaaserissallugit pisariaqarsinnaavoq, matumani assersuutigalugu niuernissamut periarfissat pillugit pisortanut attaveqarnissaq kissaatigineqarsimappat, soorlu aatsitassarsiornissanut allanullu tunngatillugu. Tamatuma saniatigut tikeraarpasuit Kalaallit Nunaannut tikeraartut amerliartuinnartut attaveqarfiginiarnissaat pisariaqarsinnaavoq, matumani niuernerup tungaatigut inuttulluunniit oqaloqatigiinnerit pineqartillugit.

Apequt 3: Sooq danskit oqaasii pisortat sullissinermi Namminersorlutik Oqartussat qitiusumik allaffeqarfiini atortussatut inatsisiliuunneqarsimappat, paarlattuanik Namminersornermut inatsit "Kapitali 7, § 20" allatorluinnaq oqariartuuteqartoq?

Akissut: Namminersorneq pillugu Inatsimmi kalaallit oqaasii Kalaallit Nunaanni pisortatigoortumik oqaasiusut aalajangersagaavoq. Tassuunalu pisortat allattoqarfiini danskit oqaasii aamma atorneqarsinnaanerat mattunneqanngilaq. Taamaalilluni Namminersorneq pillugu Inatsimmi § 20 tassunga tunngatillugu allamik siunnerfeqanngilaq.

Taamaalillunilu Oqaatsinut politikki pillugu Inatsisartut inatsisaanni nr. 7, 19. maj 2010-meersumi § 3, imm. 3-mi aalajangersarneqarpoq danskit oqaasii pisortatigut ingerlatsinerneq atorneqarsinnaapput. Aalajangersagarlu maani pineqartoq Namminersornerneq pillugu Inatsimmi § 9-mik ingerlatitseqqinneruvoq.

Kiisalu Pisortat ingerlatsineranni suliassat suliarineqartarnerat pillugu Inatsisartut inatsisaata allanngortinneqarnera pillugu Inatsisartut inatsisaanni nr. 21, 30. oktober 1998-imeersumi § 7a-mi imatut aalajangersaasoqarsimanera taaneqassaaq: Suliamut ingerlanneqartumut peqataasup kalaallisut danskisulluunniit sullinneqarnissamik kissaateqaruni isummaminik ersersitsisinnaavoq. Taamatut nalunaarneq oqartussanut pituttuisuuvoq.

Apequt 4: Sooruna Namminersorlutik Oqartussani, qitiusumik allaffeqarfimmi, pisortat suliffeqarfiutaanni aamma kommunini pisortatut atorfeqartinneqartut kalaallisut ilinniarnissaannik periarfissinneqarneq ajortut?

Akissut: Qitiusumik Allattoqarfimmi sulisut tamarmik qitiusumik allattoqarfiup pikkorissartitsinissanut neqeroorutaat aqqutigalugit kalaallit oqaasiinut pikkorissartitsinissamut akeqanngitsumut nalunaarsinnaapput.

Oqaatsinik Pikkorissaavik aamma suliffeqarfinnut pisortallu suliffeqarfiutaannut, soorlu kommuninut, pikkorissartitsinernik immikkut piareersakkanik neqerooruteqarpoq.

Apeqquut 5: Qassit Namminersorlutik Oqartussani, qitiusumik allaffeqarfimmi, pisortat suliffeqarfiutaanni aamma kommunini pisortatut atorfeqartinneqartut kalaallisut allassinnaallutillu oqalussinnaappat?

Akissut: Naalackersuisut paasissutissaviit allallu pissarsiarineqarsinnaasut tunngavigalugit qitiusumik allattoqarfimmi, kommunini pisortallu suliffeqarfiutaanni pisortat atorfeqartitaasut tamarmiusut akornanni kalaallisut allassinnaallutillu oqalussinnaasut qassiunersut oqaatigisinnaangilaat. Apeqqutigineqartoq misissuiffigineqassappat suliaasaqarfik tamakkerlugu misissuiffigisariaqassaaq. Taamatullu misissuititsinissaq kommunit suleqatigalugit suliarineqartariaqassaaq, taamaaliornermilu pisortat pineqartut tamakkerlugit apersuiffigineqartussaassapput. Taamatut misissuititsinissat suliarineqassappata § 37 naapertorlugu apeqqutigineqartunut akissuteqarnissamut killiliussat qaangerneqassapput.

Tamatumalu saniatigut paasissutissiissutigineqarsinnaavoq siusinnerusukkut Aningaasaqarnermut Naalackersuisuusimasup § 37 naapertorlugu apeqqutigineqartumut nr. 2018/158-imut akissuteqarnermini Aningaasaqarnermut Naalackersuisoqarfimmi, Akileraartarnermut Aqutsisoqarfimmi, Naatsorsueqqissaartarfimmi aamma Aningaasaqarnermut Sulisoqarnermullu Aqutsisoqarfimmi sulilerlaanut oqaatsitigut piginnaasat misissuiffigineqarsimanerannut 2018-imi upernaakkut pisumut oqaaseqarsimavoq. Matumanilu uku innersuussutigineqassapput:

https://ina.gl/documents/para3637/2018/svar/158_2018_Ansaettelsesprocess_JNAAP_akissut.pdf

Apeqquut 6: Sooruna Namminersorlutik Oqartussani, qitiusumik allaffeqarfimmi, pisortat suliffeqarfiutaanni aamma kommunini pisortatut atorfinitsitsisarnermi kaajallaasitaq kalaallisut oqalussinnaallutillu allattarnissaannik oqariartuut malinneqarneq ajortoq?

Akissut: Naalackersuisut kaajallaasitaq pineqartoq malinnaaffigivaat. Apeqqutigineqartoq taamaalilluni paatsoortoqarsimanerani tunngaveqarpoq. Aningaasaqarnermut Naalackersuisup siusinnerusukkut § 37 naapertorlugu apeqquumut nr. 2019/120-mut akissutigisimasaa innersuussutigineqarpoq:

https://ina.gl/documents/para3637/2019/svar/120_2019_sproglige_kvalifikationer_PELE_B_akissut.pdf

Apeqquut 7: Sooruna Namminersornermut inatsit kapitali 7, § 20 Namminersorlutik Oqartussat, qitiusumik allaffeqarfimmiit, pisortat suliffeqarfiutaanniit aamma kommuniniit malinneqanngitsoq?

Akissut: Namminersorneq pillugu Inatsimmi § 20-mi kalaallit oqaasii Kalaallit Nunaanni pisortatigoortumik oqaasiusut aalajangersagaavoq aamma Oqaatsinut politikkeqarneq pillugu Inatsisartut inatsisaanni § 3, imm. 1-imi kalaallit oqaasii Kalaallit Nunaanni pisortatigoortumik oqaasiunerat pisortallu sulineranni atorneqartussaanerat aalajangersagaalluni. Tamanna inatsisitigut pisussaaffiuvoq, taamaammallu malinneqartariaqarluni.

Apeqquut 8: Namminersornermut inatsimmi kapitali 7, § 20 oqariartuutaata “Kalaallit oqaasii tassaapput Kalaallit Nunaanni pisortatigoortumik oqaatsit” inatsisip oqariartuutaa qanoq paasineqassava aamma qanoq nassuiarneqarsinnaava?

Akissut: Namminersorneq pillugu Inatsimmi kapitali 7-imi § 20-mi kalaallit oqaasii Kalaallit Nunaanni pisortatigoortumik oqaasiusut aalajangersagaavoq. Tassuunalu pisortat allattoqarfiini danskit oqaasii aamma atorneqarsinnaaneratt mattunneqanngilaq. Oqaatsitta pisortatigoortumik oqaasiuneratt imatut paasineqassaaq oqaatsit nunatsinni pisortat allattoqarfiini tassaasut inatsisini, eqqartuussutini oqartussaasullu aalajangiinerini atorneqartussat.

Apeqquut 9: Namminersorlutik Oqartussanut, qitiusumik allaffeqarfimmut, pisortat suliffeqarfiutaannut aamma kommuninut qanoq aningaasatigut akeqassava kalaallisut oqaatsit kisiisa atorlugit pisortat ingerlatsilersuuppata?

Akissut: § 37 naapertorlugu apeqquummi nr. 062/2019-imi apeqquutigineqartumut nr. 7-
imut akissutigisimasakka innersuussutigissavakka.

https://ina.gl/documents/para3637/2019/svar/062_2019_oprindelige_folks_sprog_JNAP_P_akissut.pdf

Apeqquut 10: Suut inatsisit allanngortinneqartariaqassappat Namminersorlutik Oqartussani, qitiusumik allaffeqarfimmi, pisortat suliffeqarfiutaanni aamma kommunini kalaallisut oqaatsit kisiisa atorlugit pisortat ingerlatsilissappata?

Akissut: Inatsisit, nalunaarutit, kaajallaasitat allallu tullerriiarlugit paasinarneqassappata ullut suliffiusut qulit piffissaralugit suliarissallugit angumerineqarsinnaannginneratt oqaatigissavara. Taamaattoq Oqaatsinut politikkeqarneq pillugu Inatsisartut inatsisaat nr. 7, 19. maj 2010-meersoq allanngortinneqartussaammat innersuussutigissavara.

Apeqquummilu innuttaasut danskisut saaffiginnillutik danskisut aamma akineqarsinnaannginneratt pineqarsimassappat Pisortat ingerlatsineranni suliasat suliarineqartarneratt pillugit Inatsisartut inatsisaata nr. 8, 13. juni 1994-imeersup, kingusinnerusukkullu allanngortinneqartup allanngortinnissaa aamma pisariaqassaaq.

Apeqquut 11: Suut inatsisit unioqqutinneqassappat Namminersorlutik Oqartussani, qitiusumik allaffeqarfimmi, pisortat suliffeqarfiutaanni aamma kommunini kalaallisut oqaatsit kisiisa atorlugit pisortat ingerlatsilersuuppata?

Akissut: Apeqquut 10-mut akissutigisakka innersuussutigissavakka.

Apeqquummilu nunani avannarlerni innuttaasut namminneq oqaatsitik atorlugit oqartussaasunut pisortanilu oqartussanut allanut saaffiginnissinnaannginneratt pineqarsimappat tamanna aamma Nunani Avannarlerni Oqaatsit pillugit Isumaqatigiissutaasummi artikel 2-mut akerliussaaq.

Apeqquut 12: Naalakkersuisut qanoq Kalaallisut Oqaatsit atorneqarnissaat pillugit pilersaaruteqarpat?

Akissut: § 37 naapertorlugu apeqquummut nr. 062/2019-imi apeqquut 8-mut akissutigisakka innersuussutigissavakka.

https://ina.gl/documents/para3637/2019/svar/062_2019_oprindelige_folks_sprog_JNAP_P_akissut.pdf

Inussiarnersumik inuulluaqqusillunga



Ane Lone Bagger